

Iluarsiissut

Nassuiaatit 9. marts 2026-meersup taarserpaa

(Siunnersuutip qulequtaa qulequttallu nassuiaataani oqaaseqatigiinniik naqinnerliukkanillu iluarsiisoqarpoq)

Siunnersuummut nassuiaatit

Nassuiaatit nalinginnaasut**1. Aallaqqaasiut**

1.1. Siunnersuummut pingaarnertut tunuliaqutaasut

Naalackersuisut kiisalu biskoppip palasinik, provstinik kiisalu domprovstinik atorfinitsitsinissamut aamma soraarsitsinissamut piginnaatitsissut Naalackersuisuniit biskoppimut nuunneqarnissaa kissaatigisimavaat.

Atorfinitsitsisarnermik soraarsitsitsisarnermillu piginnaatitsissutip allangortinneqarnerata malitsigisaanik atorfinitsitsineq soraarsitsinerlu pillugit aalajangiinissamut piginnaatitsissut allaffissornikkullu suliaassat naalackersuisoqarfimmit akisussaasumit biskoppimut nuunneqarput.

Palaseqarfiup atuagarsuinut palasip allaffissornikkut aqutsinerata ilaa palaseqarfimmi sulisunut allanut tunniussisinnaaneramik pisariaqartitsisoqartoq aamma paasineqarsimavoq.

Palaseqarfiup atuagarsuanut palasip allattuisarnerata allamut suliakkiutiginera palasip suliassanik allanik suliaqarsinnaaneramik kinguneqassaaq. Allaffissornermik suliallit suliamik isumaginnilertussat piginnaanngorsarnissaat pisariaqartinneqalissaaq, tassa imaappoq palaseqarfiup atuagarsuanut allattuinermut pikkorissartinneqartariaqassapput. Taamaammat aamma biskoppip oqaluffimmi sulisunik ilinniartitseqqinnissaq ingerlaqqiffiusumillu ilinniartitseqqinnissaq pisariaqartissinnaavaa, assersuutigalugu palasimut ikiortit palaseqarfiup atuagarsuanut allattuinermik ilinniartinneqarnissaat.

2. Siunnersuummi immikkoortut pingaarnertit**2.1. Inatsit atuuttoq**

Inatsisit atuuttut tassaapput, Ilageeqarneq pillugu Inatsisartut inatsisaanni nr. 9, 19. maj 2010-meersoq, Ilageeqarneq pillugu Inatsisartut inatsisaatigut nr. 2, 29. november 2013-imeersutigut allangortinneqartoq (Ilageeqarnermi atorfinitsitsisarneq, uppernarsaatit akiliuteqartarneq palasit ajoqillu upperisarsiornerup tungaatigut pissuteqartumik ilagiinni suliassanik suliaqarnissanut pisussaajunnaarsitaasarnerat, aalajangiinernik allaffissornermi ingerlatsisunut qulliunerusunut suliaannngortitseqqittarnernik killiliineq kiisalu allaffissornermi pinngitsoorani malittarisassiortarnissaaq pillugu aalajangersakkat) aamma Ilageeqarneq pillugu Inatsisartut inatsisaannik allangortitsineq pillugu Inatsisartut inatsisaat

nr. 27, 3. december 2018-imeersoq (Ajoqinik aamma pattattunik ilinniartitaanernik aaqqissuussinerit aamma nipangiussimasassanik ilisimatitseqatigiiffiusumik oqaaseqaatissanullu tunngasunik il. il. ataatsimiittarnerit).

Nalunaarutit eqqarsaatigalugit, nalunaarutit siunnersuummut attuumassutillit tulliuuttuni aalajangersagaapput:

Palasinik atorfinitsitsinernut il.il. ilagiit sinniisaasa peqataatinneqartarnerat pillugu Namminersornerullutik Oqartussat nalunaarutaat nr. 38, 18. januar 1999-imeersoq.

Ittoqqortoormiini palasit atorfup inuttalernissanut periusissaq pillugu Namminersorlutik Oqartussat nalunaarutaat nr. 15, 12. oktober 2017-imeersoq.

Atuagarsuarni allattuisarneq aamma atinik allannguinermi uppersaatillu ilaasa tunniunnerini akiliuteqartarneq pillugit Namminersorlutik Oqartussat nalunaarutaat nr. 17, 14. september 2015-imeersoq.

Palaseqarfiit agguataarneri pillugit Namminersorlutik Oqartussat nalunaarutaat nr. 2, 28. januar 2011-meersoq.

Naalackersuisut biskoppillu akornanni akisussaaffiit suliassallu agguarsimanerat Naalackersuisut Ilageeqarnermi pingaarnertut akisussaasuusut, taakkulu pillugit aalajangersagassanik biskoppi isumaqatiginiariarlugu aalajangersagaliorsinnaanerit Ilageeqarneq pillugu Inatsisartut Inatsisaanni § 3, imm. 1-imi aalajangersagaavoq.

Ilageeqarneq pillugu Inatsisartut Inatsisaata § 6, imm. 1-imi aalajangersagaavoq, Kalaallit Nunaata biskoppeqarfiani biskoppip Ilageeqarnermi qitiusumik aqutsineq allaffissornerullu siulersornera isumagisarissagai biskoppeqarfimmilu provstinik, palasinik ajoqinik ilagiinnullu sinniisaasunik nakkutilliisuussasoq.

Naalackersuisut biskoppillu akornanni suliassat akisussaaffiillu agguarneqarnerat pillugu Ilageeqarneq pillugu inatsisitigut aalajangersagaqarnermi anguniagaavoq Naalackersuisut biskoppillu akornanni erseqqissumik paasiuminartumillu suliassat agguataarsimanissaat. Aamma tassani siunertaavortaaq Ilagiinni tassanilu atorfilinni soqutigisalinnilu aalajangiisinnaatitaarpiarneq sunniuteqarnerlu biskoppimut tunniunneqassasut.

Naalackersuisut taamaalillutik Ilagiinnut tunngasunik inatsisiliornermik nassuiarnissaannillu suliaqassapput, aningaasanut inatsimmut naleqqiullugu pingaarnertigut missingersuutinik aqutsisuullutik aamma suliassaqarfimmi nalinginnaasumik periusissiamik malittarisassanillu ilusilersuissallutik. Tamatuma peqatigisaanik biskoppip allaffissornermi suliassat arlallit isumagissavai, tamatumani ilanngullugu palasit ilinniarteqqinneqartarnerat.

Ilageeqarneq pillugu inatsisimmi § 6, imm. 1-imi allassimavoq, Kalaallit Nunaanni Ilageeqarnikkut ingerlatsinikkut immikkoortortaqaarfik pilersinneqartoq, tassanilu biskoppi oqaluffeqarnerup ataani oqartussaasutut qullersatut inissisimalluni. Biskoppi taamaalilluni pisortat ingerlatsiviini oqartussanut kaajallaasitaliorsinnaalerlunilu ilitsersuusiorsinnaalissaaq kiisalu sulianut kaajallaasitat ilitsersuutillu naapertornagit ingerlanneqartunut uparuaasinnaalissalluni. Biskoppip aalajangigai Ilageeqarneq pillugu inatsimmi §28, imm. 3 naapertorlugu Naalackersuisunut naammagittaalliutigineqarsinnaapput (nalinginnaasumik naalackersuisoqarfimmut ilageeqarneq pillugu akisussaasumut). Aalajangiinerit upperisarsionermuinnaq tunngassuteqartut taamaallaat misilinneqassapput inatsisitigut tunngavinnut attuumassuteqarpata.

Atorfinititsisinnaaneq soraarsitsisinnaanerlu

Ilageeqarneq pillugu Inatsisartut Inatsisaanni atuuttumi palasinik, provstinik kiisalu domprovstinik atorfinititsisinnaaneq soraarsitsisinnaanerlu Naalackersuisut akisussaaffigigaat aalajangersagaavoq. Tamanna § 26 g-mi palasit pillugit aalajangersarneqarpoq, imatut allassimasunik:

“§ 26 g. Palasit atorfimmi kina atorfinitinneqassanersoq Naalackersuisut aalajangissavaat, tak. §§ 26 e aamma 26 f. Qinnuteqartoq biskoppip inassuteqaataanut ilanngunneqanngitsaq atorfinitinneqarsinnaanngilaq biskoppi oqaaseqaateqarsimatinnagu.”

Provstinik domprovstinillu atorfinititsineq pineqartillugu § 26 l, imm. 1-imi aalajangersarneqarpoq:

“§ 26 l. Naalackersuisut aalajangissavaat provstitut imaluunniit domprovstitut atorfimmut kina atorfinitinneqassanersoq. Qinnuteqartoq biskoppip inassuteqaataanut ilanngunneqanngitsaq atorfinitinneqarsinnaanngilaq biskoppi oqaaseqaateqarsimatinnagu.”

Naalackersuisut aalajangiisinnaatitaaneq pillugu Biskoppeqarfimmut allakkatigut 2015-imeersutigut, tamatumalu kingorna aalajangiisinnaatitaaneq pillugu allakkamut ilassutigut, piginnaatitsissut Biskoppeqarfimmut tunniuppaat.

Tassunga atatillugu uku aalajangiunneqarput.

Palasinik atorfinititsinermi biskoppimit uku isumagineqassat:

- Atorfimmik inuttassarsiuussinissaq
- Atorfik inuttassarsiuunneqartoq pillugu allagarsiuussamik nassiuussinissaq kingornalu Aningaasaqarnermut Sulisoqarnermullu Aqutsisoqarfimmi akuerisassanngortinneqarnissaa, tassunga ilanngullugu atorfinititsinerni isumaqatigiissusiornissaq
- Qinnuteqaatinik kiisalu taakkununga tunngasunik uppernarsaatinik tigooqqaaneq
- Ilagiiit sinniisaannut attaveqarneq

- Atorfinititsinermermi inatsisitigut suliassat pillugit Aningaasaqarnermut Sulisoqarnermullu Aqutsisoqarfimmut attaveqarnissaq
- Sulisunut inissiat pillugit inissiaatileqatigiiffimmut attaveqarnissaq
- Meeqqanik pinerliisimanninnermut uppersaammik piniarnissaq

Naalackersuisoqarfimmit tulluuttut malinneqarsimanissaat qulakkeerneqassapput:

- Atorfik inuttassarsiuunneqartoq pillugu allagarsiussassap Aningaasaqarnermut Sulisoqarnermullu Aqutsisoqarfimmit akuerineqarsimanissaa
- Qinnuteqaatit ilanngussartallit
- Ilagiit sinniisaasa oqaaseqaataat
- Ilagiit sinniisaannik ataatsimeeqateqarnermi aalajangiiffigisanik allattuiffiit
- Biskoppip inassuteqaataa
- Ulloq biskoppip ilagiit sinniisaannik ataatsimeeqateqarnissaa pillugu ilisimatitsineq
- Qinnuteqartut sulisinnaangornissamut uppersaammik tunineqarsimanersut imaluunniit tunineqarsimanninnermut pillugit ilisimatitsineq

Tamatuma kingorna Naalackersuisup aalajangissavaa kina palasit atorfinitinneqassanersoq.

Naalackersuisoqarfik aalajangeereeruni itigartitaasut allakkatigut nalunaarfigissavai, atorfinitinneqarnissamik neqeroorfigineqartoq ilanngullugu.

Biskoppi tamanna pillugu ilisimatitsissaaq aamma biskoppip najoqqutassat suliassallu qinnuteqartup sulilernissanut pisariaqartut isumagissavai.

Tamatuma saniatigut piginnaatitsissutip tunniunnissanut allakkiami erseqqissarneqarpoq, atorfinititsinermermi tunngasumik suliassat, atorfinititsinermermi soraarsitsinermilu saniatigut, inatsimmi § 6, imm.1 naapertorlugu biskoppi, domprovstinik, provstinik, palasinik, ajoqinik ilagiillu sinniisaannik nakkutilliissasoq.

Nakkutilliinermermi ilaatigut ilaatinneqarput Ilagiit nassuerutiginninnermi tunngaviannik, naalagiarititsisarnermut aaqquissuussamik naalagiarititsinermilu ileqquusunik ataqqinninnermik biskoppip nakkutilliisarnissaa. Biskoppi aamma palasit palasit sulinerannik nakkutilliisarpoq, nakkutilliinermilu biskoppi atorfimmut atatillugu unioqqutitsinermermi uparuaasinnaavoq kinguneqartitsisinnaallunilu, soraarsitsisinnaananili.

Palasinik, provstinik domprovstinillu atorfinititsineq pissaaq, palasit pineqartillugit §§ 26 e–26 i-mi allaaserineqartut periuseq aalajangersimasooq malillugu, provstit aamma domprovstit pineqartillugit §§ 26 j-26 l-imi allaaserineqartut malillugit.

Palasinik atorfinititsinermermi periuseq malillugu biskoppip imaluunniit provstip biskoppip piginnaatitaata ilagiit sinniisaanni ilaasortatut qinikkat akornanni qinnuteqarsimasunik ilisimatitsiffiusumik ataatsimeeqatigissavai. Tamatuma kingorna ilagiit sinniisaattut

qinigaasimasut atorfinitsitsinissaq pillugu oqaaseqaateqassapput. Oqaaseqaat taasiffissatut pingaarnersiorlugu tunniunneqassaaq, ilagiillu sinniisaat ajornanngippat peqataasut 3-t piukkunneqarlutik taaneqarnerpaasimasut pillugit nalunaaruteqassallutik.

Biskoppi sapinngisamik qinnuteqartunik pingasunik pingaarnersiorlugit tullerriarneqartunik inassuteqassaaq, qinnuteqaatillu ilagiit sinniisaasa oqaaseqaataannik ilallugit kiisalu nammineq inassuteqaanni ilanngullugu Naalackersuisunut nassiuutissavai (nalinginnaasumik naalackersuisoqarfimmut ilageeqarneq pillugu akisussaasumut).

Qinnuteqartoq biskoppip inassuteqaataanut ilaanngitsoq Naalackersut atorfinitsikkusuppasuk, atorfinitsitsisoqartinnagu biskoppi oqaaseqarnissamut periarfissinneqassaaq.

Qinnuteqartoq ilagiit sinniisaasa oqaaseqaataannut ilanngunneqarsimannngitsoq Naalackersuisut atorfinitsissinnaanngilaat. Qinnuteqartoq ilisimatitsiffiusumik ataatsimiinnermi siullermik taasisoqarnerani tamanit qinerneqartoq peqataanillu biskoppip inassuteqaataani ersertoq atorfimmi atorfinitsinneqassaaq. Immikkut ittumik pissutissaqartoqarpat nutaamik inuttassarsiuisoqarnissaa nutaamillu inassuteqartoqarnissaa Naalackersuisut aalajangersinnaavaat.

Suliffeqarfinnut inunnulluunniit ilagiit sinniisaannik pilersitsiffiusimannngitsunut sullissinissaq siunertaralugu palasitut atorfiit tamakkiisumik ilaannakuusumilluunniit pilersinneqartut inuttalernissaanni Naalackersuisut § 26 naapertorlugu periusissanut malittarisassanik aalajangersaasinnaapput. Tamanna aamma atuuppoq ukioq ataaseq angullugu sivikinnerusumik atorfinitsitsisoqassatillugu. Aalajangersakkamik tassannga Naalackersuisut tunngaveqarlutik, Ittoqqortoormiini palasitut atorfiup inuttalernissaanut periusissaq pillugu Namminersorlutik Oqartussat nalunaarutaat nr. 15, 12. oktober 2017-imeersoq atuutsilerpaat. Maani aalajangersakkami malittarisassat Ittoqqortoormiini Palaseqarfimmi piffissami ilagiit sinniisaannik pilersitsiffiusimannngitsumi palasitut atorfimmit inuttalersuinissamut atuupput.

Aamma Palasinik atorfinitsitsinernut il.il. ilagiit sinniisaasa peqataatinneqartarnerat pillugu Namminersornerullutik Oqartussat nalunaarutaanni nr. 38, 18. januar 1999-imeersumi suliffeqarfinnut inunnulluunniit ilagiit sinniisaannik pilersitsiffiusimannngitsunut sullissinissaq siunertaralugu palasitut atorfiit tamakkiisumik ilaannakuusumilluunniit pilersinneqartut inuttalerneqarnissaat pillugu aalajangersagaqarpoq, Danmarkimi Palaseqarfik ilanngullugu.

Annikitsunnguamik allannguilaarnikkut provstinik domprovstinillu atorfinitsitsisarnermi periusissatut malittarisassanik aamma aalajangersaasoqarpoq.

Ilageeqarnermi allanik atorfinitsitsinermi § 26 m, imm. 2-mi aalajangersagaavoq, biskoppip, palasimik atuagarsuarnik allattuisumik ilagiillu sinniisaannik tusarniaareernerup kingorna, ajoqinik organistinillu atorfinitsitsinissamut soraarsitsinissamullu provstit

piginnaatissinnaagai. § 26 m, imm. 3-mi aalajangersagaavoq, biskoppip, palasimik atuagarsuarnik allattuisumik ilagiillu sinniisaannik tusarniaareernerup kingorna, oqaluffinni ikiortit, soorlu pedelit, eqqiaasut il.il., atorfinitsitsinissamut soraarsitsinissamullu provstit piginnaatissinnaagai. § 26 m, imm. 4-mi aalajangersarneqarsimalluni, provsteqarfinni palaseqarfinnilu allaffinni allaffissornikkut sulisunik atorfinitsitsinissamut soraarsitsinissamullu provstit biskoppip piginnaatissinnaagai. Piginnaatitsissutit aalajangersakkanut taakkununga biskoppip sulisunik taakkuninnga atorfinitsitsinnaanermut soraartitsinnaanermullu piginnaatinneqarnera, § 6-itigut tunniunneqartoq tunngaviuvoq.

Palaseqarfimmi atuagarsuarnut allattuisarneq

Ilageeqarneq pillugu Inatsisartut inatsisaata § 15-iani palaseqarfimmi atuagarsuarnut allattuisarnissaq pillugu malittarisassat aalajangersagaapput, tassani allassimalluni:

” § 15. Palaseqarfimmi arlalinnik palaseqarsimappat palasit kiffartortut ilaat ataaseq taakku akornannit palaseqarfimmi atuagarsuarnik allattuisutut Biskoppip toqqassavaa, ukiut sisamat tikillugit atasussatut.

Imm. 2. Palaseqarfimmi palasi ataasiinnaatillugu, taassuma atuagarsuarnut allattuineq isumagissavaa.

Imm. 3. Palasip atuagarsuarnik allattuisup akisussaaffigaa palaseqarfimmi allaffissorneq pingaartumillu atuagarsuit allattuiffigineqarnissaat, ilagiinni suliassat aaqqissuunneqarnerat, matumanittaaq naalagiarnert palasit akornanni agguataarnissaat, piareersimasut piffissalorsornerisa aalajangersarneqarnerat aamma aningaasanik aqutsineq.

Imm. 4. Naalakkersuisut Biskoppi isumaqatigiinniareerlugu palaseqarfiup ingerlatsinissaa pillugu aalajangersagaliussapput.”

§ 15, imm. 1-imut pingaartumillu § 15, imm. 2-mut oqaasertaliussatigut paasineqarsinnaavoq, palasi palaseqarfiup atuagarsuanut allattuisussaq allattuinnissamut akisussaaginnanngitsoq, aammali suliassamik nammineerluni isumaginnittussaasoq. Tamatuma malitsigisaanik suliassap allamut tunniunneqarsinnaaneranut inatsisitigut erseqqissumik tunngavissaqartoqanngilaq.

Oqaluffinni atuagarsuit inuunermi qitiusutut pisut, soorlu inunngortoqarnera, kuisitsisoqarnera, atsiisoqarnera, apersortittoqarnera, katittoqarnera toqusoqarneralu pillugit oqaluttuarisaanermi nalunaarsuiffittut atuutiinnanngillat. Kinguaariinnik misissuinissamut tunngavittut aalajangiisuulluinnarput, paasissutissanik ilaqutariit ataqatigiinnerannik takutitsinnaasunik aamma kinguaariinni inuit ataasiakkaat pillugit paasissutissanik imaqartaramik. Kiisalu oqaluffinni atuagarsuit inatsisitigut pingaaruteqarput, pisortatigoortumik uppersaataagamik. Taamaammat oqaluffiit atuagarsuannut eqqortumik allattoqartarnissaa pingaaruteqarluinnarpoq.

Oqaluffinni atuagarsuarnut allattuisarneq nalunaarutip §§ 21-ani aamma 22-ani erseqqinnerusumik aalajangersagaavoq. Atuagarsuarni allattuisarneq aamma atinik

allannguinermi uppernarsaatillu ilaasa tunniunnerini akiliuteqartarneq pillugit Namminersorlutik Oqartussat nalunaarutaat nr. 17, 14. september 2015-imeersoq. Aalajangersakkat ima allassimapput:

“ § 21. Ilagiit atuagarsuat palasimit ilagiit atuagarsuannik aqutsisumit nammineerluni aqunneqassaaq, taamaattoq tak. imm. 5.

Imm. 2. Paasissutissanik isumannaallisaavik palasimit sulisumit allamit, ajoqitut ilinniagalimmit imaluunniit inummit ilagiit atuagarsuannik ingerlatsinissamut pikkorissarsimasutut biskoppimit akuerisaasumit aqunneqassaaq, taamaattoq tak. imm. 3-5.

Imm. 3. Paasissutissanik isumannaallisaavik ajoqimit pikkorissarsimanani atuaasartumit biskoppip piginnaatitsinera malillugu ingerlanneqarsinnaavoq.

Imm. 4. § 26, imm. 1 naapertorlugu paasissutissanik isumannaallisaavik Nunatta Katersugaasivianut Allagaateqarfianullu tunniunneqarpat, pingaarnertut allattaavimmut ilanngussat pillugit nalunaarut malillugu paasissutissanik isumannaallisaavimmut ilanngussisoqassaaq.

Imm. 5. Biskoppi immikkut illuinnartunik pisoqartillugu allat, tigussaasumik nalinginnaasumilluunniit ilagiit atuagarsuannik ingerlatsinissaannut akuersisinnaavoq.

Imm. 6. Kialluunniit pisoq ataaseq pingaarnertut allattaavimmut paasissutissanillu isumannaallisaavimmut allattorsinnaangilaa.

§ 21, imm. 1-imi takuneqarsinnaasutut palaseqarfiup atuagarsua palasimit palaseqarfiup atuagarsuarnik nammineerluni allattuisartumit isumagineqartarpoq. Tassani imm. 5-imi aalajangersagaavoq, biskoppip immikkut illuinnartunik pisoqartillugu allat, tigussaasumik nalinginnaasumilluunniit Ilagiit atuagarsuannik ingerlatsinissaannut akuersisinnaanera.

Nalunaarutip § 22, imm. 1-imi kina palaseqarfiup atuagarsuanut aamma pingaarnertut allattaavimmut paasissutissanillu isumannaallisaavimmut akisussaasuunersoq aalajangersagaavoq:

” § 22. Palasi ilagiit atuagarsuannik aqutsisuusoq palaseqarfimmi ilagiit atuagarsuannut akisussaasuvoq, tassunga ilanngullugu ilagiit atuagarsuannut tunngatillugu maleruaqqusassatut aalajangersakkat naapertorlugit peqqissaartumik ingerlanneqarnissaanut akisussaaneq.

Imm. 2. Ukiut tamaasa septemberip qaammataani palasi allattaavimmi pingaarnerni paasissutissanik pingaarnerni suliaqartup oqaloqatigiissutigisarpaa.

Imm. 3. Ukiut tamaasa kingusinnerpaamik ulloq 30. september palasip ilagiit allattaavissuannik aqutsisup provstimut nalunaarutigisarpaa oqaloqatigiinneq pisimasoq aamma iluarsissuteqarnissamut qanoq annertutigisumik tunngavissiinersoq.”

§ 22, imm. 1-imi takuneqarsinnaasutut, palasip oqaluffiup atuagarsuanik isumaginnittup oqaluffiup atuagarsuanut allattuisoqarsimanissaa aamma akisussaaffigivaa, aamma § 21, imm. 5 naapertorlugu suliassaq allamut tunniunneqarsimagaluarpuunniit.

Palasi oqaluffiup atuagarsuanut allattuisartuq tunngaviatigut isumaginninnissamut palaseqarfimmi atuagarsuarmut tunngatillugu akisussaasuvoq, tak. § 22. Palaseqarfiit illoqarfinnut tamanut agguataarsimasuupput, tak. Palaseqarfiit agguataarneri pillugit Namminersorlutik Oqartussat nalunaarutaanni nr. 2, 28. januar 2011-meersumi § 1. Immikkut ittumik pisoqartillugu, tassa sumiiffiit kommunit agguataarneqarnerisa avataanniittut pineqartillugit domprovsti provstiluunniit, imaluunniit palasi palasilluunniit domprovstimit provstimilluunniit toqqarneqartut suliassamik isumaginnissapput.

” § 1. Illoqarfiit ataasiakkaarlutik nunaqarfii ilanngullugit tassaapput palaseqarfiit, taamaattorli tak. imm. 2.

Imm. 2. Ivittuut aamma Paamiut illoqarfii Paamiut palaseqarfianiipput.

§ 2. Kommunit agguataarnerisa avataaniittuni ilagiit pillugit suliassat, ilagiit atuagaasa allattortarneri, nalunaarusiortarnerit il.il. pillugit suliassat ilanngullugit, domprovstimit suliarineqartassapput, taamaattorli tak. imm. 2. Qeqqani Tunumilu Provsteqarfimmi palasit arlaat ataaseq amerlanerusulluunniit suliassanik tamanik ilaannaannilluunniit isumaginnittussatut Domprovstip toqqarsinnaavai.

Imm. 2. Pituffimmut ilageeqarnikkut suliassat, atuagarsualerinerit, nalunaarusiortarnerit il.il. pillugit suliassat ilanngullugit Avannaani provstip isumagissavai. Avannaani provsteqarfimmi palasit arlaat ataaseq amerlanerusulluunniit suliassanik tamanik ilaannaannilluunniit isumaginnittussatut Avannaani Provstip toqqarsinnaavai.”

2.2. Siunnersuutip imarisai

Atorfinitsitsisinnaaneq soraarsitsisinnaanerlu

Atorfinitsitsisinnaanermut soraarsitsisinnaanermullu piginnaatitaanerup biskoppimut nuunneqarnissaanik siunnersuut imaqarpoq. Atorfinitsitsisinnaanermut soraarsitsisinnaanermullu piginnaatitsissutip nuunneqarneratigut suliaq allaffissornikkut ajornannginnerusumik sukkanerusumillu ingerlanneqartalissaaq. Peqatigitillugu atorfinitsitsisinnaanermut soraarsitsisinnaanermullu piginnaatitsissutip nuunneqarneratigut biskoppip ilagiinni sulisut tamaasa tamakkiisumik akisussaaffigilissavai.

Palaseqarfimmi atuagarsuarnut allattuisarneq

Palasi palaseqarfimmi atuagarsuarnut allattuisussatut akisussaasoq kisimiilluni taakkununga akisussaaffeqassasoq siunnersuutikkut erseqqissaassutigineqarpoq, taamaattorli suliap taassuma allamut, suliamik piginnaasaqartumut, tunniunneqarsinnaaneranut akornutissaqarnani. Allanguineq suleriaatsimik atuutereersumik ingerlatitseqqiineq matumani pineqarpoq, assersuutigalugumi palaseqarfimmi palaseqanngitsumi suliassaq palasimit allamit suliarineqartarmat.

Peqatigisaanillu siunnersuuteqarnikkut Ilageeqarnermut inatsimmi kapitel 6-imi ilinniartitaanerit atuuffii siammarneqarput aamma palasit, ajoqitut pattattutullu atorfeqartuunngitsut sulisut allat pikkorissarsinnaaneri ilanngunneqarlutik. Allaffissornermi

suliallit, soorlu palasip ikiortai, palaseqarfimmi atuagarsuarnik allattuisinnaanermut pikkorissartinneqarnissaannut tamatuma periarfississavai.

Oqaatsitigut naapertuutinnigitsut

Kiisalu Ilageeqarnermut inatsisip kalaallisuaa danskisuaalu imminnut arlalitsigut naapertuutinnigitsut paasineqarsimavoq. Siunnersuutikkut taakku naqqissorneqassapput.

3. Pisortanut aningaasaqarnikkut allaffissornikkullu kingunerisassat

Siunnersuut pisortanut aningaasartuuteqarnerulernerannik kinguneqassanngitsoq nalilerneqarpoq.

Palasinik, provstinik domprovstinillu atorfinitsitsinissamut piginnaatitsissut Naalakkersuisuniit biskoppimut nuunneqarnera, allaffissornikkut pitsaasumik sunnuteqartussatut nalilerneqarpoq. Biskoppi qinnuteqaatinik tigooqqaasareerpoq aallarniutaasumillu qinnuteqaatinik nalilersuisareerluni, tamatumalu kingorna ilagiit sinniisaannik ataatsimeeqateqartareerluni, palasitut atorfimmu qinnuteqartut pillugit oqaaseqaateqartussanik. Tamatuma kingorna biskoppip palasitut atorfinitsinneqartussatut inassuteqaatini Naalakkersuisunut nassitutissavai, kina palasitut atorfinitsinneqassanersoq pillugu aalajangiisussanut. Atorfinitsitsinnaanermut soraarsitsisinnaanermullu piginnaatitsissutip Naalakkersuisuniit biskoppimut nuunneqarneratigut eqaannerusumik suliaqartoqartalissaaq.

Palasip oqaluffiup atuagarsuanut allattuisartup suliassaasa ilaannik palaseqarfimmi allaffissornikkut sulisumut allamut tunniuneqarsinnaaneratigut palasi oqaluffiup atuagarsuarnut allattuisartoq suliassaannik oqilisaaffigineqassaaq. Oqaluffiup atuagarsuarnut allattuisarnerup allaffissornikkut sulisooreersumut tunniunneqarsinnaavoq, taamaalilluni sulisussamik allamik atorfinitsitsinissaq pisariaqartinneqassanngilaq.

4. Inuussutissarsiutinik ingerlataqartunut aningaasatigut allaffissornikkullu kingunerisassat

Siunnersuut aningaasaqarnikkut imaluunniit allaffissornikkut inuussutissarsiortunut kinguneqassanngatinnegannilaq.

5. Avatangiisinut, pinngortitamut inuillu peqqissuunissaannut kingunerisassat

Siunnersuut avatangiisinut, pinngortitamut inuilluunniit peqqissusaannut kinguneqartussaannngitsutut nalilerneqarpoq.

6. Inuit pisinnaatitaaffii aamma innuttaasunut kingunerisassat

Siunnersuut inuit pisinnaatitaaffiitut imaluunniit innuttaasunut kinguneqartussaannngitsutut nalilerneqarpoq.

7. Nunanut allanut tunngasunut sumiiffimmilu politikimut kingunerisassat kiisalu kinguneqaataasussat allat

Nunanut allanut attaveqaatinut imaluunniit nunap immikkoortuanut politikimut tunngasunut kinguneqassanngilaq. Siunnersuut allanik pingaarutilitsigut kinguneqassanngilaq.

8. Oqartussaasut kattuffiillu il.il. tusarniaavigineqarneri

Siunnersuut piffissami 5. december 2025-miit 5. januar 2026-mut tusarniaanernut isaaffikkut pissarsiarineqarsinnaasimavoq, tusarniaanermullu peqataasunut nassiunneqarsimalluni, ilanngussaq 2 takuuk.

Aalajangersakkanut ataasiakkaanut Nassuiaatit

§ 1-imut

Nr. 1-imut

Aalajangersagaq imm. 1-imut atasutut isigineqassaaq, tassani imatut allassimasoqarpoq: “Palaseqarfimmi arlalinnik palaseqarsimappat palasit kiffartortut ilaat ataaseq taakku akornannit palaseqarfimmi atuagarsuarnik allattuisutut biskoppip toqqassavaa, ukiut sisamat tikillugit atasussatut.” Tassa takuneqarsinnaasutut palaseqarfimmi arlalinnik palaseqartillugu palasimik atuagarsuarnik allattuisussamik biskoppi toqqaassaaq. Palaseqarfik ataasiinnarmik palaseqarpat, palasi taanna oqaluffiup atuagarsuanik allattuisartussatut toqqarneqassaaq.

Nr. 2-mut

Palasi palaseqarfimmi atuagarsuarnut allattuisussatut akisussaasoq kisimiilluni taakkununga akisussaaffeqassasoq siunnersuutikkut erseqqissaassutigineqarpoq, taamaattorli suliap taassuma allamut, suliamik piginnaasaqartumut, tunniunneqarsinnaaneranut akornutissaqarnani. Palaseqarfimmi sulisoq alla, palasit, ajoqitut pattattutullu atorfeqartuunngitsut sulisut allat ilinniagaqaaqittarnerannik naammassinnissimasoq, oqaluffiup atuagarsuanik isumaginninnissamut piginnaatinneqalersinnaanngussaaq.

Nr. 3-mut

Biskoppip palasit, ajoqit pattattullu ilinniagaqaaqqinnissaannik isumaginninnissamut pisussaaffii siammarlugit palasip ikiortaanut aamma atuutsinneqalerput. Taamaallilluni allaffissornikkut sulisut, soorlu palasit ikiortaat anersaakkut suliassanik isumaginninnissaanngitsut oqaluffiup atuagarsuinut allattuisinnaanermik pikkorissartinneqarsinnaalissapput. Palasip ikiortai, allaffissornermik suliaqarnissaannut atuagarsuarnik allattuinnissamut ilitsersuunneqareernermi kingorna palasinut allaffissornikkut suliaannut ikiuussinnaalissapput.

Nr. 4-mut

Aalajangersakkami tunngavilerneqarpoq § 26 a, imm. 1, nr. 1-imiit 3-mut biskoppi atorfinitsitsinissamut piumasagaatini immikkut akuersisinnaasoq, kisiannili immikkut ittumik aatsaat pisoqarsimatillugu tunniunneqarsinnaalluni. Tamatumunnga pissutaavoq kikkulluunniit qanoq ilinniagaqarsimaneq apeqqutaatinnagu atorfirmut qinnuteqarnissamik pisinnaatitaammata. Tassani biskoppip akuersissutigisinnaavaa palasit atorfinitsitsineq.

Biskoppip immikkut akuersissuteqarsinnaanermut aalajangersagaq atussappagu qinnuteqartoq atorfinitsitsinissamut piumasagaatit § 26 a-miittut allat kiisalu sulilernissamut piumasagaatit § 26 d-miittut naammassissallugit pisussaaffeqarpoq, ataani allassimasut takukkit.

Aalajangersagaq atorneqarsinnaassaaq, assersuutigalugu pineqartoq piginnaasanik palasit atorfirmik isumaginninnissami pingaaruteqarluartunik malunnartumik pigisaqarpat. Biskoppi

atorfinitussamut tunngatillugu suliamut attuumassutilimmik nalilersorluarnissaanut periarfissaqassaaq.

Nr. 5-imut

Taamaallaat aalajangersakkamut kalaallisut oqaasertaliusaaq allanngortinneqarpoq, oqaatsip ”ivertinneqarsimassaaq” oqaatsitsigut naapertuutinningsortaata iluarsineqarsimammat.

Kinaluunniit Kalaallit Nunaanni Ilagiinni palasitit atorfinitsinneqartoq, atorfininnissamut piumasaqaatit biskoppimit soraarummeersinneqarsimassaaq, tamatumunnga ritualit atuuttut naapertorlugit palasinnngortinneqarsimassalluni, palasitit neriorsuisimassalluni biskoppillu uppersaasigaanik palasitit sulisinnaangortitaasimassalluni.

Biskoppip suliassaraa atorfimmut pineqartumut qinnuteqartup/piukkunneqartup toqqagaasup piumasaqaatinik naammassinissimanersoq misissussallugu.

Biskoppimit soraarummeersinneqarsimaneq, palasitit sulisinnaangortitaasimaneq, palasinnngortinneqarneq Ilagiinnullu palasitit neriorsuineq ataasiaannartumik pissaaq, biskoppilli uppersaasigaanik palasitit sulisinnaangortitaaneq atorfinitsitsinerit tamaasa piumasarineqartussaalluni. Palasitit sulisinnaangortitaaneq aqputigalugu Ilagiinni atorfik biskoppip atorfini aqputigalugu sulilersussamut tunniutissavaa. Palasitit sulisinnaangortitaaneq naalagiarluni palasinnngortitsinermi atuarneqassaaq.

Nr. 6-imut

Ilagiit sinniisai oqaaseqaammik suliaqareersimatillugit qinnuteqartup qinnuteqaatini tunuartippagu nutaatut oqaaseqaasiorniarluni ataatsimiittoqassaaq. Tamatumani qinnuteqartunut taasinerit agguataarneqarnissaat qulakkeerniarneqarpoq. Siullertut oqaaseqaasiorniarluni ataatsimiinnermi taaneqarsimatinnani qinnuteqartup qinnuteqaatini tunuartippagu, nutaatut oqaaseqaasiornissamut ataatsimiittoqassanngilaq, taasinerimmi tamarmik qinnuteqartumut/qinnuteqartunut allanut agguanneqarsimassammata.

Nr. 7-imut

§ 26 f, imm. 4 atorunnaarsinneqarpoq, palasimik atorfinitsitsisinnaanermut soraarsitsisinnaanermullu piginnaatitsissutip Naalakkersuisunit biskoppimut nuunneqarnerata kinguneranik.

Nr. 8-mut

Aalajangersakkami biskoppip kina palasitit atorfimmi atorfinitsinneqassanersoq aalajangissagaa aalajangiunneqarpoq. Atorfinitsitsisinnaanermut soraarsitsisinnaanermullu piginnaatitsissutip Naalakkersuisunit biskoppimut nuunneqarnera tunngavigalugu allannguisoqarpoq.

Nr. 9-mut

Imm. 1-imut

Aalajangersakkami ilagiit sinniisaat oqaaseqaammik tunniussimatinnagit biskoppip qinnuteqartoq atorfinitsissinnaanngikkaa aalajangiunneqarpoq. Taamaalilluni toqqaaniarnermi biskoppi aalajangeeqataasussat peqataanerannut pituttugaavoq, uani pisumi ilagiit sinniisaannut.

Oqaaseqatigiit aappaanni takuneqarsinnaasutut, taasinermi siullermi ilagiit sinniisaasa tamarmik qinnuteqartoq qinersimappassuk, pineqartoq atorfinitsinneqassaaq, qanorluunniit tullerriaarisoqaraluarpat.

Imm. 2-mut

Aalajangersagaq assersuutigalugu atorneqarsinnaavoq qinnuteqartut piukkunnaatillit ikippallaartut tiguneqarsimappata. Pisuni amerlanerni taamaalisoqartillugu ilagiit sinniisaasa taasinerat aallartitsinnagu oqaaseqaammillu tunniussitinnagit, inuttassarsiuusseqqinnissaq isummerfigineqarsimasarpoq. Kisiannili imaassinnaavoq taasisoqareernerani qinnuteqarsinnaasut amerlanerit kajungerilersinneqarsinnaanerisa misissorneqarnissaa pisariaqartoq. Inuttassarsiuinermi qinnuteqartoq ataasiinnaasimappat ilagiillu sinniisaasa ataatsimiinnermi taasimanngippassuk, tamatumani aamma atorfiup inuttassarsiuunneqarqinnissaa kingorna nalinginnaasuvoq.

Nr. 10-mut

Aalajangersakkami ilagiit sinniisai oqaaseqaammik suliaqareersimatillugit qinnuteqartup qinnuteqaatini tunuartippagu nutaatut oqaaseqaasiorniarluni ataatsimiittoqassasoq aalajangersarneqarpoq. Tamatumani qinnuteqartunut taasinerit agguataarneqarnissaat qulakkeerneqassaaq. Qinnuteqartoq qinnuteqaammik tunuartitsisoq ataatsimiinnermi siullermi taaneqarsimanngippat, oqaaseqaasiorniarluni ataatsimeeqqittoqassanngilaq. Tamatumunnga pissutaavoq, taasinerit tamarmik qinnuteqartumut agguataarneqarsimanissaat imaluunniit qinnuteqartut arlaqarsimappata, qinnuteqartunut agguataarneqarsimanissaat.

Nr. 11-mut

§ 26 k, imm. 4 atorunnaarsinneqarpoq, palasimik atorfinitsitsissinnaanermut soraarsitsissinnaanermullu piginnaatitsissutip Naalakkersuisunit biskoppimut nuunneqarnerata kinguneranik.

Nr. 12-imut

Palasinut atorfinitsitsissinnaanermut soraarsitsissinnaanermullu piginnaatitsissutip Naalakkersuisunit biskoppimut nuunneqarnera tunngavigalugu allannguisoqarpoq. Aalajangersakkami biskoppip nammineerluni provstitut imaluunniit domprovstitut atorfimmut kina atorfinitsinneqassanersoq aalajangiiffigissagaa aalajangersarneqarpoq.

Nr. 13-imut

Aalajangersagaq aalajangersakkamik atuuttumik ilaatigut ingerlatitseqqiineruvoq. Taamaattorli atorfinitsitsisarnerup Naalackersuisunit biskoppimut nuunneqarnerata kinguneranik allannguisoqarpoq, tak. siunnersuummi § 26 g. Taamaammat oqaluffimmi kiisalu Kalaallit Nunaanni Ilagiit ataanni allaffimmi atorfinnik pilersitsinissamut atorunnaarsitsinissamulluunniit pisariaqartitsisoqarnerseq biskoppip nammineq nalilersussavaa.

§ 2-mut

Inatsisartut inatsisaata allannguutaa 1. januar 2027-mi atuutilernissaa siunnersuutigineqarpoq. Taamaallilluni piareersarluareerluni allannguutit atuutsinneqarsinnaalissapput. Aamma allaffissornikkut najoqqutassani pisariaqartinneqartumik allannguisoqarsinnaalissaaq, inatsisip allannguutaanut peqatigitillugu atuutsilerneqarsinnaasunik.

Siunnersuut inatsimmut atuuttumut sanilliullugu	
<i>Oqaasertaliunneqartut atuuttut</i>	<i>Siunnersuutigineqartuq</i>
	§ 1 Ilageeqarneq pillugu Inatsisartut inatsisaat nr. 9, 19. maj 2010-meersoq, allanngortinneqartuq Inatsisartut inatsisaanni nr. 2, 29. november 2013-imeersumi aamma Inatsisartut inatsisaanni nr. 27, 3. december 2018-meersumi allanngortinneqartumi, allannguutit makku ilanngunneqarput:
§ 15, imm. 2 <i>Imm. 2.</i> Palaseqarfimmi palasi ataasiinnaatillugu, taassuma atuagarsuarnut allattuineq isumagissavaa.	1. § 15, imm. 2, ima oqaasertalerneqassaaq: “ <i>Imm. 2.</i> Palaseqarfimmi palasi ataasiinnaatillugu, taassuma atuagarsuarnut allattuineq isumagissavaa.”
§ 15, imm. 4 <i>Imm. 4.</i> Atuagarsuarnik allattuisarneq pillugu Naalakkersuisut Biskopimut isumaqatigiinniareernikkut aalajangersakkanik aalajangersaasinnaapput.	2. § 15, imm. 4-tut nutaatut ikkunneqassaaq: “ <i>Imm. 4.</i> Palasip atuagarsuarnik allattuisup palaseqarfimmi suleqataasumut atorfeqartumut allamut, palaseqarfiup atuagarsuisa suliasartaannik suliarinnissinnaassusilimmut tunniussinnaavaa.” Imm. 4 tamatuma kingorna imm. 5-ingussaaq.
§ 24. Biskoppip palasinik, ajoqinik pattattunillu ilinniartitseqqinnerit ingerlaqqillunilu ilinniartitsinerit isumagisarai. <i>Imm. 2.</i> Naalakkersuisut palasinik, ajoqinik pattattunillu ilinniartitseqqinnerit ingerlaqqillunilu ilinniartitsinerit pillugit aalajangersakkanik, biskoppi isumaqatiginiareerlugu aalajangersaasinnaapput.	3. § 24 ima oqaasertalerneqassaaq: ” § 24. Biskoppip palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit isumagissasarai. <i>Imm. 2.</i> Naalakkersuisut palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit pillugit aalajangersakkanik aalajangersaasinnaapput.”

<p>atorfinitinneqarsinnaanngilaq biskoppi oqaaseqaateqarsimatinnagu.</p>	
<p>§ 26 h. Qinnuteqartoq ilagiit sinniisaasa oqaaseqaataannut ilanngunneqarsimanngitsoq Naalakkersuisut atorfinitissinnaanngilaat. Qinnuteqartoq ilisimatitsiffiusumik ataatsimiinnermi siullermik taasisoqarnerani tamanit qinerneqartoq peqataanillu biskoppip inassuteqaataani ersertoq atorfimmi atorfinitinneqassaaq.</p> <p><i>Imm. 2.</i> Immikkut ittumik pissutissaqartoqarpat nutaamik inuttassarsiuisoqarnissaa nutaamillu inassuteqartoqarnissaa Naalakkersuisut aalajangersinnaavaat.</p>	<p>9. § 26 h ima oqaasertalerneqassaaq: “ § 26 h. Qinnuteqartoq ilagiit sinniisaasa oqaaseqaataannut ilanngunneqarsimanngitsoq biskoppip atorfinitissinnaanngilaa. Qinnuteqartoq ilisimatitsiffiusumik ataatsimiinnermi siullermik taasisoqarnerani tamanit qinerneqartoq atorfimmi atorfinitinneqassaaq.</p> <p><i>Imm. 2.</i> Immikkut ittumik pissutissaqartoqartoqarpat nutaamik inuttassarsiuisoqarnissaa biskoppip aalajangersinnaavaa. ”</p>
<p>§ 26 k, imm. 2</p> <p><i>Imm. 2.</i> Qinnuteqartup qinnuteqaatini utertippagu, ilagiit sinniisaasa oqaaseqaateqareerneranni aammalu biskoppi suli Naalakkersuisunut inassuteqaateqanngitsoq imm. 4 naapertorlugu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimanngippat nutaamik oqaaseqaateqarniarluni ataatsimiinnermik ingerlatsisoqassanngilaq.</p>	<p>10. § 26 k, imm. 2 ima oqaasertalerneqassaaq: “ <i>Imm. 2.</i> Ilagiit sinniisaasa oqaaseqaateqareernerisigut qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik tunuartitsisoq oqaaseqarnissamut ataatsimiinnermi siullermi taaneqarsimanngippat nutaamik oqaaseqaateqarniarluni ataatsimiinnermik ingerlatsisoqassanngilaq.”</p>
<p>§ 26 k, imm. 4</p> <p><i>Imm. 4.</i> Biskoppi sapinngisamik qinnuteqartunik pingasunik pingaarnersiorlugit tullerriaarneqartunik inassuteqassaaq. Biskoppip qinnuteqaatit ilagiit sinniisaasa oqaaseqaataannik ilallugit namminerlu inassuteqaanni ilanngullugu Naalakkersuisunut nassiutissavai.</p>	<p>11. § 26 k, imm. 4 atorunnaarpoq.</p>
<p>§ 26 l, imm. 1</p> <p>Naalakkersuisut aalajangissavaat provstitut imaluunniit domprovstitut atorfimmut kina atorfinitinneqassanersoq. Qinnuteqartoq</p>	<p>12. § 26 l, imm. 1 ima oqaasertalerneqassaaq:</p>

<p>biskoppip inassuteqaataanut ilanngunneqanngitsoq atorfinitinneqarsinnaanngilaq biskoppi oqaaseqaateqarsimatinnagu.</p>	<p>“ Biskoppip aalajangissavaa provstitut imaluunniit domprovstitut atorfimmuut kina atorfinitinneqassanersoq.”</p>
<p>§ 26 m, imm. 1 Biskoppi Naalakkersuisut isumaqatiginiareerlugit Kalaallit Nunaanni Ilagiit ataanni ilagiinni sulisunut allaffeqarfinnilu sulisunut atorfiit pilersinnissaat atorunnaarsinnissaallu pillugit aalajangersakkanik aalajangiissaaq.</p>	<p>13. § 26 m, imm. 1 ima oqaasertalerneqassaaq: ” Biskoppi Kalaallit Nunaanni Ilagiit ataanni Ilagiinni sulisunut allaffeqarfinnilu sulisunut atorfiit pilersinnissaat atorunnaarsinnissaallu pillugit aalajangiissaaq.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2027 atuutsinneqalissaaq.</p>

Tusarniaanermut allakkiaq

Siunnersuut 5. december 2025-mit 5. januar 2026-mut ukununnga tusarniutigineqarsimavoq:

Biskop ilagiit@ilagiit.gl

Palaseqarfik Ittoqqortoormiit ittoqqortoormiit@ilagiit.gl

Palaseqarfik Ammassalik ammassalik@ilagiit.gl

Palaseqarfik Qaanaaq qaanaaq@ilagiit.gl

Palaseqarfik Upernavik upernavik@ilagiit.gl

Palaseqarfik Uummannaq uummannaq@ilagiit.gl

Palaseqarfik Qeqertarsuaq qeqertarsuaq@ilagiit.gl

Palaseqarfik Ilulissat ilulissat@ilagiit.gl

Palaseqarfik Qasigiannuguit qasigiannuguit@ilagiit.gl

Palaseqarfik Aasiaat aasiaat@ilagiit.gl

Palaseqarfik Kangaatsiaq kangaatsiaq@ilagiit.gl

Palaseqarfik Sisimiut sisimiut@ilagiit.gl

Palaseqarfik Maniitsoq maniitsoq@ilagiit.gl

Palaseqarfik Nuuk nuuk@ilagiit.gl

Palaseqarfik Paamiut paamiut@ilagiit.gl

Palaseqarfik Narsaq narsaq@ilagiit.gl

Palaseqarfik Qaqortoq qaqortoq@ilagiit.gl

Palaseqarfik Nanortalik nanortalik@ilagiit.gl

Avannaata Kommunia avannaata@avannaata.gl

Kommune Qeqertalik qeqertalik@qeqertalik.gl

Qeqqata Kommunia qeqqata@qeqqata.gl

Kommuneqarfik Sermersooq kommuneqarfik@sermersooq.gl

Kommune Kujalleq kommune@kujalleq.gl

Kalaallit Nunaanni Palasit Peqatigiiffiat (Nikoline Cortzen, nkce@ilagiit.gl)

Ilageeqarnermut Ministereqarfik km@km.dk

Atorfillit Kattuffiat ak@ak.gl

IMAK imak@imak.gl

SIK sik@sik.gl

Tusarniaanermut killiliussap naanerani tusarniaanermut akissuteqaatit marluk tiguneqarput.

Tusarniaanermi akissuteqaatit tulliuuttuni issuarneqarput tusarniaanermut akissummut naalakkersuisoqarfimmit oqaaseqaat ilanngullugu.

Palaseqarfik Nuuk allappoq:

Inatsimmik allannguinnissamik suliaqarnermi pingaaruteqartoq Nuummi ilagiit sinniisaasa suliamut peqataatinneqarnissaat. Akisussaaffik biskoppimut tunniunneqassappat, ilagiit sinniisaasa kissaatigaat sulinermi peqataatinneqarnissartik, taamaalilluni aalajangiinerit ilagiit sinniisaat peqataatinnagit ingerlanneqassanatik

Naalackersuisoqarfiup akisussaasup oqaaseqaatai:

Tassunga ilanngullugu oqaatigineqassaaq taamaammat ilagiit sinniisaat tusarniaanermi immikkut ilanngunneqarsimasut. Atorfinitsitsisarnermik soraarsitsitsisarnermillu piginnaatitsissutip allanngortinneqarnerata malitsigisaanik atorfinitsitsineq soraarsitsinerlu pillugit aalajangiinissamut piginnaatitsissut allaffissornikkullu suliassat naalackersuisoqarfimmit akisussaasumit biskoppimut nuunneqarput. Allannguinerup siunertaraa aalajangiisartut kiisalu oqaluffimmi sulisunik atorfinitsitsinermut soraarsitsinernullu tunngasuni allaffissornikkut suliassat suliarineqarneranni eqaallisaanissaq. Tassunga ilanngunneqassaaq palasinik atorfinitsitsinermi ilagiit sinniisaasa suliassat allannguuteqassanngimmata, tassa ilagiit sinniisaat maannakkutut biskoppimut oqaaseqaateqartassammata.

SIK allappoq:

Biskoppi atorfinitsitsinermut soraarsitsinermilu pisinnaatitaanerata ilaneqarnissaannut siunnersuummut SIK isumaqataavoq.

Naalackersuisoqarfiup akisussaasup oqaaseqaatai:

Oqaaseqaat tusaatissatut tiguneqarpoq.